

يا سعد من قال أمي .. وقالت نعم وجاوباته .. تاريخها الأم جنة ..
ياتعس من فارقاته .
كل حد وسعده .. حتى البرم ، وحدة تطبخ في السفناري ، وحدة
تطبخ في اللحم .
مدام ولدي حي يا سعدودي .. نوار قبرعون فوق خدودي .
الشوارب تبوس .. والقلب فيه السوس .
الفار الزرباز من سعد القطوس .
اللي واخذ على طعامك ، وين يشبكك يجوع .
صامت قليل الملح ما يتعدى .. برك احدانا ناقته وتغدى .
ما يحبها شبح جابوهته عروس .
في اللبس زوجة من ... وفي الشرف بنت من .
كل شئ دواه الصبر ، إلا قلت الصبر ماليهاش دواء .
اللي ضرباته أمه راحت فيه .
مشيت للبحر نشكي من كبر هبالي .. حتى البحر وخر ووجعه حالي
غايضه واسمع مافي قلبه .
* كل شئ تلقاه في السوق ، كان أمك وبوك .
* اللي يحب روحه ، يقعد بروحه .
* شرقه بريقتك ، توريك عدوك من صديقك .
* قرد موالف ولا غزال شارد .
* يا تعس من عنده ابنته حارة ... بنية وحيدة تفيض المرارة .
* يا عيون مصبركم على غاليكم ... كيف ترقدوا نوم الهني ويجيكم
* تمنيتلك يا قلب ما تتمنى ، حجة وتوبة والصلاة والجنة .

* ذل قرشك ، ولا ذل نفسك .
* تحزمت بيكم درتكم في عوني ... نحساب حملي خفّ ...
تقلتوني .
* تحطه في القرعة ، تلقاه في البيدجان .
* يسمع ما يكره ... ويدير ما يبي .
* كيف اللي يخرف في حلمته لحماره .
* شاقى ولا محتاج .
* جبال الكحل ... يكملوهم المراود .
* دزوّه يخطب ، تعرّس ودار صغار .
* الودن تسمع والعقول توازن ... والعين تشبح والقلوب مخازن .
* الصبر لله والرجاء في المولى ، مع الصبر ما عندي كلام انقوله .
* يا ريتني نمشي للصفاء والمروى ... نشرب من زمزم لين قلبي
يروى .
* عدّينا البحر ، يا بال البحيرة .

* اللي طلب يُطلب الله هو كريم المعاطي ، والعبد شنو قدره لا
يشيّعك لا يواطى .
* أنا بوي لجيت نبكي وقال خيرها وانشدوها ، وقولولها علاش
تبكي ، أنا حي ما زلت بوها .
* الزين ديمه زين ما يتوارى ... والعفن في الشدّة تبان عواره .
* الفم الساكت ، ما ينكتبوش عليه السوايا .
* واحد فراقه مُرّ شيخ وجعّدة ... وواحد إذا فارق إنديروا وعده

* يسلم عليك العقل سلامين والثالث يجيء من حداكم ... لا نريد
مال ، لا نريد زرع ، أنا نريد غير نقعد حداكم .
* سلم وليدي قال شنهو تبي ، مدام راسي حي ما تنكبي .
* واحد يحلك من قفال حديدك ، واحد على همّ الزمان يزيدك .
* دمعات نزلوا من العيون سخونه ، الخد إنكوى منهم تغيّر
لونه .

* بعدي ودوني يا بنات الدّالة ... ومهبول من يمّن للرجالة .

* يا طير بجناحات بَرَّة بَرَّة .. سلّم على وليدي اطناش المرّة .
* الشين ما باش القلب إيرومه ... والزين دارولي عليه خصومه .
* خيار التّبّع في ولد دمّه وافي ، يعطيك صبّاطه ويمشي حافي

البرد احزين..مايبي زين
خلط روحك مع النخالة يبربشك الدجاج
عافنة النسي تدوي في الفرحة والعزي
جت منك يا جامع مش مني
من الزببية يسكر

* يا قلب عندي حباب ما تنساهم ... صون ودّهم واحفظ عزيز
غلامهم .

* إن شاء الله يا وليدي إدير فرح والعين حيّة ، زگار من
الصبح لليل ، وبارود كيف القليّة .
* واحد توكل على الله ، واحد وكيله بر اعه ، واللي توكل على
الله شري العز والذل باعه .
* بيعاونوه على قبر بوه ، طّبوا الفاس وخلّوه .
* العين في غياب عزيز .. الساعة بعامين عندهم .
* القياس مية ... والقص مرّة .

* ساعات يزهي خاطري وعيوني ، وساعات يا نفسي عليّا
تهوني ، ساعات نبدي زاهي ، وساعات نبدي في غشاشي
لاهي ،
ساعات حتى الشين عندي باهي ، وساعات حتى الزين يبدي
دونني .

* وحدة قالت : البرّ ما نسكناش ، والبحر فيه النصاري ،
والكتان ما نلبساش ، والمال فيه الخسارة ، وقوي السمن ما
ناكلاش ،

والزيت فيه المرارة ، والشين ما ناخذاش ، والزين فيه الوعارة
..... قولولي شنو الدبارة .

* واحد كلامه عسل في صونية ، وواحد كلامه موت تُخنق
فيًا ، وواحد كلامه عسل في قيشاني ، وواحد كلامه غير ضرب
معاني .

* اللي مش واخدة عالبحور ، وين بخرت حُرقت رداها .
وإلى اللقاء ، إذا كان في العمر مازال بقية

الي متعرفه قدرله ظروفه عضمه رهيف الله لا تروجه

شيء عريف ما عندكش فكرة العيد اجلوه

الصاحب علي الصاحب يبيع عبائه و اني صاحبي كلمة الو
كاداته

الناس اربعة أجناس و كل جنس يتبع جناسه فضة و
قصدير و نحاس و بييرة و كل حد يلبس قياسه

يا مخلوق يا أسود النية يا الي الله خلقك من تراب فكر زين
قبل لا اتدير السيئة راهي عيب مزأها عذاب فكر دوم
في يوم الحساب و رد النفس علي مخبث النية راهو الخبث
من شيم الذياب ما يغركش منزل بالثريا و لا لبس موضات
الثياب و لا ركوب سيارة غنية و خوتك ناس للمة السوية

قالك الايام كيف زهناك وتي عزاهن قبل ماياتنك

قالك الدنيا كيف صببات المطر تصب في وطن و علي الثاني
تغيب يجيك يوم ماتشبح كدر و يجيك يوم كل منه عطيب
.....

قالك الدنيا مشاكل و الحياة مصعبها و النفس علي سبلة
سريع غضبها

و الدنيا بلا خوت ماتقدرها صعيبه كان جاك خبرها هي
هكي ربنا صورها

العار أطول من العمر .
العين جعانة و البطن شبعانة .
العين ما تتعلی عن الحاجب

** حُب النبي طيب في طيب ، حُب النبي طيب صافي ،
حُب النبي مسك في الجيب ، يظهر ولو كان خافي .
** نوض يا ولد واسهر الليل ودير العشم في ذراعك ، وراك
تصاحب الخوان إلیا قابله فيك سُوم باعك

** حَجَب على خوتي شُقاي أولاد بَباي .. سُبَّاط رجلي
وَقْت حفاي .
** اللّي يبّيك إبيّه تَلقى خيره ، واللّي نساك أنساه
تَلقى غيره .

** فيه ناس ننساهم .. وناس انّورهم ونلقاهم .. وناس لو
غابوا زاد غلاهم .
** أحّيه ما مرّ ريقی ، وأحّيه ما مرّ دايا ، واللّي حسبتّه
رفيقي طلعي عدو في قفايا .

** عيون سود تقول اهلّله ، سافر معاهم خاطري ما ولا .

** عليه رقرقن الأنظار .. عزيز وبين مواله خطر ،
ويموجن مع ذكراه ، الأنظار كيف موجان البحر .
** على البرغوث ، يُحرق الحولي .
** مريض ماني مريض علة ، دواء داي مالقيتاش
صبري لله .

** اللي مش كاتبتلك اطيح من بين ايديك وفمك .
** اللي ياكل دحي القاضي ، ايرده فلاليس .
** ياسعد من خلاله بوه عادة ، ولا فرس ولادة .
وإلى لقاء آخر قريب إن شاء الله تعالى ،،،،

* هي قدا مزرق الشمس ، وهو قدا وين غابت ، والله ما هم
ضنا عم ، امغير المكاتب جابت .
* لو كان تبي روحك من خبار الناس ... دير لمشيتهك قياس

* إنوي النية الصحيحة ولا يذهبك مسارب ، وتبع
الطريق المليحة ، تنجيك ولو كنت هارب .
* اللي غرس وما جنس الزريجة ، يندم على غرسه نهار
يبيعه .
* البنادم إيا صابه ذهاب الشيرة ، دير عملته ويقول فيها
خيرة .

* مكتوب يا دبله رماك الداعي ، من صبع مولاتك إثجي
في صباعي .

* رزقك تمشيله ، وأجلك يجيك .
* من قبل جحا بكاي ، لبال راحت حمارته .
* ما وجع إلا وجع العين ، وما هم إلا هم الدين .
* ماتت حمارة القاضي ما لقوا العزاية طريق ، مات القاضي
مالقوا من يشيله .
* بعد ما شبع قال .. صامت .

* ما ينفك في الضيق كان دراعك ، وما يوكلك الحلو كان صباك .

* لو كان الوطأ تنشال ، إنشيلو عزيز ومقعهده .

قاله منين هالعرفة قاله من هالشجرة
قالها باش العشى يا قديده قالتله بالمى والملح
كل فولة امسوسة تلقى كيال اعور
كلام البكوش فى صدره
ما ينوضك من على الطعام الا ولد الحرام
شكرا على الموضوع الحلو

* سلامي يا عزيز عليك .. سلام فرض .. طول وعرض .. كاسي الأرض .. تستيف لين راقى للسماء .

* يا عين كوني للدرك صبارة .. مهناك من دفنوه قبل نهاره .

* كان عضني كلب ، ما عنديش ناب نعضه ... وكان سبني سفيه ،

مالياش أصل نسبه .

* شاهي بلا جداي غير خسارة .. انكسر براريدو ونظفي ناره .

* قاله : أعطيني مهبول ناكل رزقه .. قاله : أعطيني عاقل

نخلص معاه .

* لا غايبة لا تكهب .. لا عاد عيني تراها .. ما حرّ نار الميعة ..

تهون الدنيا بلاها .

* بنادم إيا ضاق صدره .. والوجاع ما طاق داها ، الأيام تمرض

وتبرا .. والصبر راهو دواها .

* سيدي المرابط وعتك نعطيها .. وعفسة أوخي في الوطا نجيبها

سيدي المرابط وعتك بلحمها .. وعفسة أوخي في الوطا سلمها

* العقل يا بعاد الدار .. يمسي معاي ، ويبات عندكم .

* غايضه واسمع ما في قلبه .

* لو كان النوم يسمّن راهو سمّن القطاطيس .

* اللي طلب يطلب الله ، ويقول يا وسيع المخازن ، والعبد خليك منه

خصيص عقل ماهوش وازن .

- * صام يوم في رمضان ، قال قداش مازال فيه .
- * كيف الفروج يدن وما يصلش .
- * تمنيتلك يا قلب ما تتمنى ، حجة وتوبة والصلاة والجنة .
- * الخُطاب مِيّة ... والمكتوب واحد .
- * الصبر يا خالق الصبر ، والصبر يامن يطيقه ، وإن شاء الله المولى يفرج على كل غمّة وضيقة .
- * حادي خانب يقص جرايرك ، وحادي فلاح يعبي غراريك .
- * صفا العقل يرجى فيك ، تغيب ليش يا مولى الدواء .
- * اللي ما يشوف قبل الرشوف ، ينحرقوا شواربه .
- * جيرانا جاورونا لا عيب لاحس راقى ، ياريتهم وجّعونا منين ناوين الفراقي .
- * واحد كما البحري رطيب جواره ، وواحد كما القبلي صهايد ناره .
- * تعاركت البننت وأمها ، فرج العدو من هباله .

*** جرى هذا الحوار بين كثة حرفة وعزوزتها ***
 الكثة : يا لسكان أعطيني شقة في العاشر وأمّه ما اطّقه .
 العزوز : أنا وليدي جاني على شوق إرّص البُطمة ونطلع فوق .
 الكثة : إن شاء الله المصعد يوقف بيبك ، تنادي وما حد يواطيك .
 العزوز : يجوني هاللي قلوب حناني ، يا سلم ما جاب حزامي .
 ((((وبعد أن وصلت العزوز إلى الشقة))))
 الكثة : هاللي تتكربل برداها زعمة الليلة وين عشاها ؟

...
 العزوز : ما جيت إندور في عشاك ، إندور في الهفك اللي معاك .

- * صاحبك خليه ... وصاحب بوك ما تخليه .
- * عزيز كان خان الصوب ، عزاي فيه توبة غالغلاء .
- * كل شئ تخزنه وتلقاه ، إلا اللي في القلب يطلع على مولاه .

* مهبول من دَزَّ عداه مرسوله ، مهبول وغرّي ... ومهبول من
عنده الذهب ويورّي ، ومهبول من يكسب الحمام البري ، ويعطيه
للقنّاص يرعهوله .
* لا ياخذك طول النهار وقصره ، يضوي ظلام الليل بعد سواده .
* اللي مش خاطره في الزواج .. يخطب المحصنات .
* بات على غيظ ولا تبات على ندامه .
* اللي عنده بنات ، عنده الهم بالحفّنات .
* يا واخذ القرد على ماله ، يروح المال ... ويبقى القرد على حاله

* قلبي إذا كان تكسّر .. لا يضحك لعاد يبصّر .
* جروح كامدات الروح ، كاسرات العظم ، طارشات الودن ،
عاميات العين ، سالات القلب ، ساحنات الكبد ، شالات الفكر ،
طبيب على داهن يجي .

* هناك ناس تكرهم من أول ليلة = وهناك ناس ما يهونوا سنين
طويلة

هناك ناس حبايب = وهناك ناس تكرهم من غير
سبايب

هناك ناس يا محلاهم = وهناك ناس ما تقدر تعيش بلاهم
* مدام ولدي حي ياسعدودي ... نوال قبر عون فوق خدودي .
* يا سعد من حج وتاب ، وحط ولده في الكتاب .
* أعطيني لسانك ، وما حاجتي بإحسانك .
* يرقد على الياسمين يجرحه .

* اللي ما تعرفش ترقص تقول الأرض عوجة .
* يصلي ويسبّح ، ويخنب سنون الكلب وهو ينبح .
* كان المرحوم .. كنت عايشة في همّه ، مات المرحوم .. وصي
عليّ أمه .

* إذا عندك كثير أعطي من مالك ، إذا عندك قليل أعطي من قلبك .
* إذا غاب عليك أصله ، شوف لفعله .
* مشيت للبحر نشكي من كبر هبالي ، حتى البحر وخر ووجعه
حالي .

* دار بلا كبير .. زي سانية بلا بير .

** ياسيدي الفقي سكر كتابك قلّه ... مريض هوى ماني مريض
علة .

** حكيت راسي شاب ولا صوفة ... عمري وفا والهم مابا
يوقا .

** قدام خوتي نلعه ونسبه ... وفي وسط قلبي نعشقه ونحبه .
** مدام بوي حي وأمي حية ... نمشي على العدوان وأنا بيّة .
** زعمة الغوالي ينشدوش علينا ... ولا نسونا من نهار مشينا .
** ياقلب خيرك في منامك حاير ... أنا نصبر فيك وأنت طائر .
** المتربي في الخير ، يشم ايده يشبع .
** الخنفسة شافت اولادها على الحيط ... قالت : جوهر في خيط .
** شابت لحاهم ، والعقل ماجاهم .
** حمارك الكاس ، ولا حصان الناس .
** اللي يحب الزين ... ما يستغلاش المهر .
** شرط العازب على الهجالة ... ولي صبية وناخذك .

** فيه اللي كلمته في فمه وفيه اللي كلمته عند أمه
فيه اللي كلمته في جيبه وفيه اللي كلمته في الخيبة
** أحلى مناش ، ولدك يلعب قدامك فوق الفراش ... وأمر مناش ،
تقصد حبيبك وتروح بلاش .

** اللي مازلتله مدة ... ما تقتله شدة .
** الله يلحقك يا قلب ما تتمنى ، حجة وتوبة والصلاة والجنة .
** عندي اميمة عالنسي عليها ، وحجج حجاب الصالحين عليها .
** الأيام كيف الريح في الدرجة ... مرّة شقي خاطر ، ومرّة
راحة

مرّات نخدم بيدي ، ومرّات كاشرات عبيدي
ومرّات عشرة كباش بيدن عيدي ، ومرّات ما نكسب ولا صياحة
** ريت بنت يالو تشاوروا باباها ، نعطي حياتي مهر كا اعطاها .
** يا سلملي بو شفشوفة ، تزهي عيني وين تشوفه .
** خويا قليل العيب يا جاراته ، شنبير ضاوي فوق راس خواته .

** حلمت يا عزيز منام ... تمنيت الليل ما كمل .
** إخدم على روحك ودير عشيشة ، لا تنفك لا فاطمة لا عيشة .
** ايفكك الله من سَوّ زمانك .

* اللي ما يداري على السّب وحمّال عيب الرفاقة ، ما يفرحوا بيه
لجي ، ولا يحزنوا في فراقه .
* بعد قرّة الحسوم ، إرمي عباتك وعموم .
* كئيت ما كّت الجمل في حمله ، أنا نفرغ يا قلب وأنت تملأ .
* الفم يدعي ، والقلب يقول اللطف .
* واحد مصرانه في يده ، والثاني يقوله شوية للقطوس .
* جارك القريب خير من خوك البعيد .
* بفلوسي العنقر كّبوسي .
* ياكل خيري ، ويشكر غيري .
* ضحكوله ... إمتد على طوله .
* لبّس الخنفسة ، توللي عروسة .
* ضربها راجلها ، هُرجت على سلفها .
* اللي عنده البيل ، توره الخيل .
* من قام صغيرك وباسه . زبي من حطّك على راسه .

ياريت خوتي ثلاثين ** وذرية عَمِّي بزايّد
لاناكلو لقمة الدّلّ ** ولا نلبسو الجردنايد